

***Tarikh Dibaca: 28 Oktober 2016***

# **KHUTBAH JUMAAT**

***Tajuk:***

***“DUNIA IBARAT SETITIK MADU”***

***\*\*\****

***Terbitan:***

***Unit Khutbah***

***Bahagian Pengurusan Masjid***

***JABATAN AGAMA ISLAM SELANGOR***



## **SENARAI AHLI JAWATANKUASA KHUTBAH NEGERI SELANGOR 2016**

- 1. SS. Dato' Haji Haris Bin Kasim (Pengerusi)  
Pengarah Jabatan Agama Islam Selangor**
- 2. Tuan Haji Ahmad Zaki Bin Arsad (Timbalan Pengerusi)  
Timbalan Pengarah Jabatan Agama Islam Selangor**
- 3. SS. Dr. Haji Anhar Bin Haji Opir (Ahli)  
Timbalan Mufti, Jabatan Mufti Negeri Selangor**
- 4. Tuan Haji Idris Bin Ramli (Setiausaha)  
Ketua Penolong Pengarah, Bahagian Pengurusan Masjid, JAIS**
- 5. Yg. Berbahagia Prof. Madya Dr. Osman Bin Sabran (Ahli)**
- 6. Tuan Haji Sianid Bin Mokim (Ahli)**
- 7. Tuan Haji Hamid Bin Md Isa (Ahli)**
- 8. Tuan Haji Md. Sahari Bin Abdullallah (Ahli)**
- 9. Tuan Haji Abdul Halem Hapiz Bin Salihin (Ahli)**
- 10. Ustaz Muhammad Farhan Bin Wijaya (Ahli)  
Imam Besar Masjid Sultan Salahuddin Abdul Aziz Shah**
- 11. Ustaz Indera Shahril Bin Mohd Shahid (Ahli)  
Majlis Agama Islam Selangor**
- 12. Ustaz Hairol Azmi Bin Khairudin (Urusetia)  
Penolong Pengarah Unit Khutbah, BPM, JAIS**





## "DUNIA IBARAT SETITIK MADU"

الْحَمْدُ لِلَّهِ الْقَائِلِ: وَأَنْبِئُوا إِلَىٰ رَبِّكُمْ وَأَسْلِمُوا لَهُ مِنْ قَبْلِ أَنْ يَأْتِيَكُمُ الْعَذَابُ ثُمَّ لَا تُنصِرُونَ <sup>1</sup>   
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ وَسَلِّمْ عَلَىٰ سَيِّدِنَا مُحَمَّدٍ وَعَلَىٰ آلِهِ وَأَصْحَابِهِ أَجْمَعِينَ. أَمَّا بَعْدُ، فَيَا أَيُّهَا الْمُسْلِمُونَ! اتَّقُوا اللَّهَ، أَوْصِيكُمْ وَإِيَّايَ بِتَقْوَى اللَّهِ فَقَدْ فَازَ الْمُتَّقُونَ. قَالَ اللَّهُ تَعَالَى: يَا أَيُّهَا الَّذِينَ ءَامَنُوا اتَّقُوا اللَّهَ حَقَّ تَقَاتِهِ وَلَا تَمُوتُنَّ إِلَّا وَأَنْتُمْ مُسْلِمُونَ.

**Muslimin yang dirahmati Allah sekalian,**

Saya mengingatkan diri saya dan tuan-tuan agar terus menerus bertaqwa kepada Allah dengan menjunjung segala titah perintah-Nya dan menjauhi segala larangan-Nya.

<sup>1</sup> Az-Zumar ; 54



Dalam detik-detik yang penuh keberkatan ini, dengan diselubungi oleh suasana khusyu' dan tawadhu', dengan penuh rasa kegerunan bercampur harapan, marilah kita memuhasabah diri melalui khutbah yang bertajuk **"DUNIA IBARAT SETITIK MADU"**.

### **Muslimin yang dikasihi Allah sekalian,**

Al-kisah maka tersebutlah perihal seorang pemuda yang sedang merayau-rayau dalam sebuah hutan belantara. Tiba-tiba ia terserempak dengan seekor gajah yang sedang naik minyak, tidak semena-mena gajah itu meluru dan ingin menerkam pemuda tersebut. Lalu dengan tidak berlengah-lengah lagi pemuda itu lari dengan sekuat hatinya untuk menyelamatkan diri dari angkara gajah itu, Nasib pemuda itu agak malang, tiada lagi tempat ia melarikan diri kerana ia berhadapan dengan sebuah gaung yang curam lagi dalam, sedangkan gajah yang sedang menggila itu terus mengejanya dari belakang. Tidak ada jalan lain bagi pemuda itu melainkan terjun ke dalam gaung tersebut untuk menyelamatkan dirinya.

Pemuda itu bernasib baik kerana ia tersangkut di atas dahan pohon kayu yang tinggi, ia terasa lega dan menarik nafas panjang kerana terlepas dan terselamat dari angkara gajah yang menggila itu, ia cuba bertenang dan berfikir bagaimana ia akan dapat turun dari pohon yang tinggi tersebut. Dalam pada itu, sedang ia cuba melihat-lihat kebawah tiba-tiba ia ternampak beberapa ekor ular besar yang kelihatan ganas berlingkar di pangkal pohon tersebut. Ia kebingungan dan fikirannya bertambah gusar lebih-lebih lagi apabila ia mendapati ada dua ekor tikus besar yang sedang menggerit-gerit pangkal dahan tempat ia berpaut itu, dahan tersebut semakin lama menjadi semakin genting dan dalam suatu masa yang tidak dapat dijangka, pasti akan patah terkulai jua akhirnya. Helah demi helah diandaikan dalam benaknya, tiba-tiba ia ternampak sekumpulan lebah yang sedang bersarang



di dahan sebelah atas tempat ia berpaut itu. Pemuda tersebut dengan serba kepayahan memberanikan diri menjolok sarang lebah itu dengan menggunakan jarinya, ia dapati setitis madu melekat di hujung jarinya lalu ia menjilat dan terus menjilat demi menikmati madu yang tak seberapa itu. Ia terus menerus berbuat begitu berulang kali hingga akhirnya ia alpa dan lupa akan nasib yang pasti akan menimpanya.

### **Hadirin Jumaat yang dirahmati Allah,**

Demikianlah berakhirnya kisah pemuda yang malang itu. Ia adalah sebuah kisah kiasan yang dihimpun oleh Ibn Al-Muqaffa' (meninggal pada tahun 142Hijri) dalam buku beliau yang bertajuk KALILAH WA DIMNAH. Ibn Muqaffa' setelah mengakhiri kisah tersebut beliau memberikan tausiah dan taujihat kepada pembaca, ujarinya;

*"...demikianlah wahai saudaraku! sebuah contoh kehidupan sebahagian orang yang hidupnya tenggelam dalam kelalaian, sedangkan kenikmatan dunia ibarat setitik madu itu jika tidak berhati-hati boleh membuatkan manusia lupa kepada kehidupan akhirat yang hakiki dan pastinya ia akan menempuh situasi yang sangat sukar".*

### **Muslimin yang dirahmati Allah,**

Sindiran atau nasihat Ibn al muqaffa' itu memanglah bernas dan jitu. Sesungguhnya ia amat bertepatan dengan ancaman Allah dan Rasul-Nya. Dalam hubungan ini terdapat banyaknya ayat al-quran dan hadis mengingatkan kita agar jangan lalai, jangan lalai dan jangan lalai.

Firman Allah SWT dalam surah al-munafiqun ayat 9;



يَا أَيُّهَا الَّذِينَ ءَامَنُوا لَا تُلْهِكُمْ أَمْوَالُكُمْ وَلَا  
أَوْلَادُكُمْ عَنْ ذِكْرِ اللَّهِ وَمَنْ يَفْعَلْ ذَلِكَ فَأُولَئِكَ  
هُمُ الْخَاسِرُونَ ﴿٩﴾

"Wahai orang-orang yang beriman! Janganlah kamu dilalaikan oleh (urusan) harta dan anak-pinak kamu daripada mengingati Allah (dengan menjalankan perintah-Nya). (Ingatlah) sesiapa yang melakukan demikian maka mereka itulah orang yang rugi"

Seterusnya perhatikan lagi dengan mendalam firman Allah dalam surah at-Takathur ayat 1-8;

أَلْهَيْكُمْ التَّكَاثُرُ ﴿١﴾ حَتَّىٰ زُرْتُمُ الْمَقَابِرَ ﴿٢﴾ كَلَّا  
سَوْفَ تَعْلَمُونَ ﴿٣﴾ ثُمَّ كَلَّا سَوْفَ تَعْلَمُونَ ﴿٤﴾ كَلَّا لَوْ  
تَعْلَمُونَ عِلْمَ الْيَقِينِ ﴿٥﴾ لَتَرَوُنَّ الْجَحِيمَ ﴿٦﴾ ثُمَّ  
لَتَرَوُنَّهَا عَيْنَ الْيَقِينِ ﴿٧﴾ ثُمَّ لَتُسْأَلُنَّ يَوْمَئِذٍ عَنِ  
النَّعِيمِ ﴿٨﴾

"Kamu telah dilalaikan (daripada melakukan ketaatan kepada Allah) oleh perlakuan bermegah-megah (saling bangga membangga dengan harta, anak pinak, pangkat dan pengaruh). Sehingga kamu masuk ke liang kubur.



*Jangan sekali-kali (bersikap demikian)! Kelak kamu akan mengetahui (akibat buruknya semasa hendak mati)! Sekali lagi diingatkan); jangan sekali-kali (kamu bersikap demikian)! Kelak kamu akan mengetahui (akibat buruknya pada hari kiamat)!. Sesungguhnya! Kalaulah kamu mengetahui (apa yang kamu akan hadapi) dengan pengetahuan yang yakin, (tentulah kamu akan mengerjakan perkara-perkara yang akan menjadi bekalan kamu untuk hari akhirta). (Ingatlah) sesungguhnya kamu akan melihat neraka yang marak menjulang. Kemudian itu, sesungguhnya kamu (wahai orang yang derhaka) akan melihatnya dengan penglihatan yang yakin (semasa kamu dilemparkan ke dalamnya)! Kemudian sesungguhnya kamu akan ditanya pada hari itu, tentang segala nikmat (yang kamu telah menikmatinya di dunia).*

Demikian peringatan Allah kepada kita semua agar jangan lalai, kelalaian kita mengundang kesangsaraan pada kehidupan yang kekal abadi di alam akhirat. Sedarlah wahai saudara!, kadang-kadang perkara yang melalaikan kita itu tidaklah sangat berharga dan berbaloi yang membolehkan kita hidup selama-lamanya dalam serba nikmat yang tidak ada cacat celanya. Inginkah anda mendengar bidasan pedas oleh Al Imam Al Ghazali (505 Hijri) berhubung dengan kelalain kita terhadap kehebatan dunia yang tidak seberapa menyebabkan kita lupa kepada kehidupan di akhirat. Ujar Al Gazali:

*"... ketahuilah wahai saudaraku! Jika anda tergilagila terhadap seorang wanita hingga anda sanggup berbunuh-bunuhan kerananya, percayalah bahawa apa yang anda rebut-rebutkan pada wanita itu tidak lebih dari hanya bahagian tempat keluar darah uzurnya. Jika anda terasa hebat kerana anda mampu memiliki minuman yang paling disanjung ramai yaitu madu lebah, ketahuilah wahai saudara ! ketakjuban anda terhadapnya tidak lebih dari ia hanyalah luahan air liur beberapa ekor lebah. Jika anda berbangga dengan*



*pakaian sutera yang anda miliki, maka ketahuilah bahawa kain sutera itu tak lain tidak bukan hanyalah sejenis benang yang keluar dari bontot beberapa ekor ulat. Alangkah remehnya!"*

Seterusnya telah lama kita dipesankan oleh kekasih kita nabi Muhammad SAW berhubung dengan hinanya dunia jika tidak dikaitkan dengan kehidupan di akhirat. Hadis yang diriwayatkan oleh Imam Muslim daripada Abu Sa'id Al Khudri RAnhu bahawa Rasulullah SAW bersabda;

إِنَّ الدُّنْيَا حُلْوَةٌ خَضِرَةٌ، وَإِنَّ اللَّهَ  
مُسْتَخْلِفُكُمْ فِيهَا، فَيَنْظُرُ كَيْفَ تَعْمَلُونَ؟ فَاتَّقُوا  
الدُّنْيَا، وَاتَّقُوا النِّسَاءَ، فَإِنَّ أَوَّلَ فِتْنَةٍ بَنِي إِسْرَائِيلَ  
كَانَتْ فِي النِّسَاءِ

*"Sesungguhnya dunia ini manis lagi menarik, dan sesungguhnya Allah melantik kamu mengendalikannya, lalu Ia memerhatikan apa yang kamu lakukan, takutlah kepada Allah dari godaan dunia, dan takutlah kepada Allah dari godaan wanita. Sesungguhnya kemusnahan kaum bani Israil adalah berpunca daripada wanita".*

**Hadirin Jumaat yang dirahmati Allah,**

Kita sebagai orang yang beriman, kepercayaan kita terhadap hari pembalasan sering kita ulang-ulang dalam solat dan wirid yang kita amalkan; kita sering menyebut;



## مَلِكِ يَوْمِ الدِّينِ

Yang bermaksud "Allah yang memiliki hari pembalasan", pada hari itu nanti tiada siapa pun yang dapat melepaskan diri dari ketentuan-Nya, itulah kalimah mulia yang jika dihayati ia dapat mengawal nafsu kita yang melanggar dan menyimpang dari ajaran dan perintah Allah. Kekuasaan-Nya, ketegasan-Nya, kehebatan dan kedahsyatan siksaan-Nya pasti akan dilalui oleh semua orang kecuali mereka yang telah mendapat keampunannya. Pasti anda sering mendengar ancaman Allah dalam surah Al Fajr ayat 25 dan 26:

فَيَوْمَئِذٍ لَا يُعَذِّبُ عَذَابَهُ أَحَدٌ وَلَا يُوثِقُ  
وَتَأْقَهُ أَحَدٌ

"Maka pada hari itu tiada sesiapa pun yang dapat menyiksa seperti azab (yang ditimpakan oleh) Allah. Dan tiada sesiapa pun yang dapat mengikat serta membelenggu seperti ikatan dan belenggu-Nya".

### Muslimin yang dirahmati Allah sekalian,

Mengakhiri khutbah pada hari ini, marilah kita menghayati beberapa intisari yang akan kita bawa pulang hingga kita bertemu semula pada hari jumaat yang akan datang seperti berikut;

1. Umat Islam diseru supaya sentiasa ingat bahawa kehidupan kita di dunia ini akan berakhir dengan kematian. Dan sesudah itu kita akan berpindah kealam akhirat yang lebih kekal dan abadi.



2. Umat Islam diseru supaya terus menyedari bahawa kealpaan dan kelalaian akan mengheret kita kepada kesesatan.
3. Umat Islam diseru supaya sentiasa waspada bahawa kenikmatan di dunia yang Allah kurniakan adalah ujian bagi keimanan kita.
4. Umat Islam diseru supaya menghayati janji-janji Allah bahawa ganjaran yang sungguh lumayan pasti akan kita raih di alam akhirat nanti.

أَعُوذُ بِاللَّهِ مِنَ الشَّيْطَانِ الرَّجِيمِ  
يَا أَيُّهَا النَّفْسُ الْمُطْمَئِنَّةُ ۖ ارْجِعِي إِلَىٰ رَبِّكِ  
رَاضِيَةً مَّرْضِيَّةً ۖ فَادْخُلِي فِي عِبَادِي ۖ وَأَدْخُلِي  
جَنَّتِي ۖ

*"Wahai jiwa yang tenang. Kembalilah kepada Tuhanmu dengan hati yang puas lagi direndhai-Nya. Maka masuklah engkau dalam kumpulan hamba-hamba-Ku Yang berbahagia. Dan masuklah ke dalam syurga-Ku!"*

(al-Fajr ; 27-30).



بَارَكَ اللَّهُ لِيْ وَلَكُمْ فِي الْقُرْآنِ الْعَظِيمِ،  
وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ  
الْحَكِيمِ وَتَقَبَّلَ مِنِّي وَمِنْكُمْ تِلَاوَتَهُ، إِنَّهُ هُوَ  
السَّمِيعُ الْعَلِيمُ.

أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِيْ وَلَكُمْ  
وَلِسَائِرِ الْمُسْلِمِينَ وَالْمُسْلِمَاتِ، فَاسْتَغْفِرُوهُ إِنَّهُ  
هُوَ الْغَفُورُ الرَّحِيمُ.



## KHUTBAH KEDUA

الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا مِنَ  
الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ لَا  
شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ.  
اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ  
وَعَلَى آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى  
يَوْمِ الدِّينِ. أَمَّا بَعْدُ، فَيَا عِبَادَ اللَّهِ، اتَّقُوا اللَّهَ،  
أَوْصِيكُمْ وَإِيَّايَ بِتَقْوَى اللَّهِ فَقَدْ فَازَ الْمُتَّقُونَ.

**Sidang Jumaat yang dirahmati Allah SWT,**

Mimbar Jumaat sekali lagi berpesan bahawa Islam mengajar kita supaya bersikap sederhana dalam segala amalan. Kita amatlah dituntut agar menampilkan kemuliaan akhlak, sikap dan keperibadian tinggi kerana Rasulullah SAW diutus untuk menyempurnakan akhlak dan sebagai rahmat bagi seluruh umat dan sekalian alam. Pada masa yang sama kita juga disaran supaya menjauhi sebarang bentuk fahaman sesat dan perbuatan ekstrim yang kesannya akan menjejaskan keharmonian, perpaduan dan keselamatan ummah dan Negara.



إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا  
الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا. اللَّهُمَّ  
صَلِّ وَسَلِّمْ عَلَى سَيِّدِنَا وَمَوْلَانَا مُحَمَّدٍ سَيِّدِ  
الْمُرْسَلِينَ وَارْضَ اللَّهُمَّ عَنْ أَصْحَابِهِ وَقَرَابَتِهِ  
وَأَزْوَاجِهِ وَذُرِّيَّاتِهِ أَجْمَعِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ  
وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ، إِنَّكَ سَمِيعٌ  
قَرِيبٌ مُجِيبُ الدَّعَوَاتِ وَيَا قَاضِيَ الْحَاجَاتِ.  
اللَّهُمَّ إِنَّا نَسْأَلُكَ وَنَتَوَسَّلُ إِلَيْكَ بِنَبِيِّكَ الْأَمِينِ،  
وَنَسْأَلُكَ بِأَسْمَائِكَ الْحُسْنَى وَصِفَاتِكَ الْعُظْمَى  
أَنْ تَحْفَظَ بَعَيْنِ عِنَايَتِكَ الرَّبَّانِيَّةِ وَبِحِفْظِ وَقَايَتِكَ  
الصَّمَدَانِيَّةِ، جَلَالَةَ مَلِكِنَا الْمُعَظَّمِ سُلْطَانَ  
سَلَاطُونَ، سُلْطَانَ شَرَفِ الدِّينِ اَدْرِيسِ شَاهِ



الحاج ابن المرحوم سلطان صلاح الدين عبد  
العزیز شاه الحاج. اللَّهُمَّ أَدِمِ الْعُونَ وَالْهَدَايَةَ  
وَالْتَوْفِيقَ، وَالصِّحَّةَ وَالسَّلَامَةَ مِنْكَ، لِيَوْلِيَّ عَهْدِ  
سَلَاغُورَ، تَعَكُو أَمِيرَ شَاهِ ابْنِ السُّلْطَانِ شَرَفِ  
الدِّينِ ادریس شاه الحاج فی أَمْنٍ وَصَلَاحٍ وَعَافِيَةٍ  
بِمَنْكَ وَكَرَمِكَ يَا ذَا الْجَلَالِ وَالْإِكْرَامِ. اللَّهُمَّ أَطِلْ  
عُمَرَهُمَا مُصْلِحِينَ لِلْمُوظَّفِينَ وَالرَّعِيَّةِ وَالْبِلَادِ،  
وَبَلِّغْ مَقَاصِدَهُمَا لِطَرِيقِ الْهُدَى وَالرَّشَادِ.

Ya Allah, Engkaulah Tuhan yang Maha berkuasa, kami bersyukur kehadiran-Mu yang telah mengurniakan kami rahmat dan nikmat, sehingga kami dapat meneruskan usaha ke arah memperkukuhkan negara umat Islam khususnya negeri Selangor, sebagai negeri yang maju, sejahtera dan berkebakikan dibawah naungan dan pimpinan raja kami sebagai ketua agama Islam di negeri ini.



Justeru kami pohon kehadiran-Mu ya Allah, tetapkanlah iman kami, terimalah amalan kami, kukuhkanlah perpaduan kami, luaskanlah rezeki kami, kayakanlah kami dengan ilmu yang bermanfaat, suburkanlah jiwa kami dengan budi pekerti yang mulia, kembalikanlah kami ke jalan yang Engkau redhai, lindungilah kami daripada bala bencana dan ujian-Mu yang berat seperti kemarau panjang, banjir besar, wabak penyakit Zika dan Denggi supaya dengan demikian, negeri kami akan sentiasa dilindungi dan diberkati.

Ya Allah, kami pohon kehadiranmu, mantapkanlah pegangan kami menurut ajaran Ahli Sunnah Waljamaah dan peliharalah kami daripada amalan dan akidah yang menyeleweng dan sesat seperti fahaman Syiah, Qadyani serta lain-lain fahaman.

Ya Allah, bukannya hati kami untuk mendirikan solat fardhu lima waktu, menunaikan zakat dan kefarduan yang lain serta mewakafkan dan menginfakkan harta khususnya untuk Perbadanan Wakaf Negeri Selangor (PWS) dan Tabung Amanah Pembangunan Islam Selangor (TAPIS). Dengan amalan ini ya Allah, berkatilah hidup dan luaskanlah rezeki kami dengan ganjaran pahala yang berkekalan hingga ke hari akhirat.

رَبَّنَا هَبْ لَنَا مِنْ أَزْوَاجِنَا وَذُرِّيَّتِنَا قُرَّةَ أَعْيُنٍ  
وَأَجْعَلْنَا لِلْمُتَّقِينَ إِمَامًا. رَبَّنَا ءَاتِنَا فِي الدُّنْيَا  
حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ. عِبَادَ  
اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي



الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ وَالْبَغْيِ  
يَعْظُمُ لِعَلَّكُمْ تَذَكَّرُونَ ﴿٩٠﴾

فَاذْكُرُوا اللَّهَ الْعَظِيمَ يَذْكُرْكُمْ وَاشْكُرُواهُ عَلَىٰ  
نِعْمِهِ يَزِدْكُمْ، وَاسْأَلُوهُ مِنْ فَضْلِهِ يُعْطِكُمْ  
وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ.